

NA PRIMAVERA ORGANIZAMOS O HORTO ESCOLAR



Os nenos e nenas de Educación Infantil este mes de Marzo pasámolo fenomenal pois nos fixemos cargo do Invernadoiro do colexio. Distribuíuse en varias parcelas e nelas plantamos diferentes plantas e hortalizas: patacas, pementos, leitugas, acelgas, amorodos... e ata plantas medicinais!

Logo de traballar un pouco a terra cos sachos, fixemos uns sulcos onde íamos plantando cada unha das cousas e tamén abonamos e regamos un pouquiño para que así medrase mellor.

Agora achegámonos de cando en vez a regar e para ir comprobando os cambios que van tendo co paso do tempo.

A través dunha proposta educativa que combine a parte lúdica e didáctica, os nosos profesores pretenden achegarnos ao mundo das plantas, coñecendo así os diferentes tipos, o seu ciclo vital e os coidados necesarios para o seu correcto crecemento; todo elo facéndonos ver a importancia e respecto da Natureza e do medio ambiente, pois somos nós as sementes latentes que garanten o coidado do noso planeta.

